

KHLANDOH IBAH OTRANJI RYNJAH



I Bah Otranji Rynjah, i Rangbah Shnong jong ka shnong Laitpynter Lummane Dorbah Shnong (Mylliem Syemship), kurim jong i Kong Rophina Kharkongor bad i kpa jong i Ainamshisha Kharkongor, Banjoplin Kharkongor, Kitboklang K h a r k o n g o r , P y n s h o n g a i n l a n g Kharkongor, Banbhalang Kharkongor bad Wanrilin Kharkongor, i la khlad noh ha ka 18 tarik, Nawieng, 2024. Ka sngi leit ontep kan long ha ka 20 tarik, Nawieng ha ka por 1:00 baje mynsngi ha u Lum Jingtep, skul St. George, Laitpynter, Marbisu.

La khang pyrshah ban pyntrei ia ki khynnah kiba hapoh

bad kiba pynkheii ia kane ka aiñ kin shah pynshitom da kaba shah set patok kumba 6 bñai, kaba lah ruh ban pynjlan shaduh ka 2 snem ne ka jingshah shaiñ kuna kaba ym duna ia ka T. 20,000/- bad kaba lah ruh ban pynhesh sha ka T. 50,000/- ne baroh ar.

Kino kino ki jaka khañ kidei ban wah ia kine ki jingmana kaba la thoh ha ka ktien kaba sngewthuh da ki paidbah ba kynthup ruh ha ka ktien phareng kumba la bthah hapoh ka Section 3 bad 14 jong kane ka aiñ.

Kino kino ki bym leh ia kane kin shah set shibñai kaba kynthup bad ka jingshah shaiñ kuna kaba long kumba T. 10,000/- ne baroh ar.

Jah rngai 2 tylli ki trok kit dewbilat

Shillong, Nawieng 19: Ka khubor ba la ioh na ki pulit la iathuh ba u Krishna Kr Lama u la phah ka jingujor ba ha ka 19 tarik u Nailar, 2024 ha ka por kumba 5 baje jannied kawei ka trok kaba don u nombar AS-01HC-9324 ba la niah da u Shahjamal Hoque ka la mih na M/s Goldstone Cement Ltd., kaba ha Musiang Lamare (EJH) bad kaba la kit ruh haduh 240 tylli ki byrmi dewbilat na ka bynta ban pynpoi sha Changsari, Guwahati, Assam. Hynrei haduh kine ki sngi katei ka trok kam shym la poi satia sha ka jaka ba kadei ban poi bad la shem ruh ba ka mobile phone jong u nongñiah ruh ka la switched-off.

Ha kawei pat ka jingjia ki pulit ki la iathuh ba u Dinesh Sharma u la phah ka jingujor ba ha ka 22 tarik u bñai Risaw, 2024, kawe ki trok kaba don u nombar WB-35D-7099 ka la mih na M/s Star Cement Ltd., Lumshong (EJH) ha kaba ka la kit haduh 620 byrmi da dewbilat ban leit pyntit sha Sihtlangpui, Lawngtlai, Mizoram. Hynrei haduh mynta kane ka trok ka khlem poi satia sha ka jaka ba ka dei ban poi.

Sa kawei pat ka jingjia ki pulit ki la iathuh ba u Bah Khrawboklang Shanpru u la phah ka jingujor ba ha ka 18 tartik mynta u bñai ha ka por kumba 12.45 baje mynstep, ki runar bym lah ban ithuh ki la tuh ia kawei ka Remote Radio Unit (RRU) napoh ka tower kaba ha ka shnong Umjalisiaw (WJH).

Sa sha nongbah Dubai la shalan ia u Sohniamtra

bunsien ki kut ban khañ tang hapoh ka jylla. Shuh shuh ruh na ka daw jong ka jingrem ka bai kit ka la ktah bha ia ka kam khañ ia une u soh Khasi Mandarin bad u sohtrun, ia ka long ha la iing ne sha ki iew bar ri.

Ban shim khia ia kane ka jylla ka la shim bun ki lad ki lynti ha kaba iadei ban kyntiew ia ka kam thung ia une u soh da kaba pynhesh ia ki jaka thung soh khnang ba kane ka kam kan nanghesh ka ban long ka jingmyntoi ia ki nongrep.

La ong ba lyngba kane ka jingpyrshang ka la iarap ban kyntiew ruh ia ka ioh ka kot jong ki nongrep. La ong ruh ba ka jingshalan kaba nyngkong ia une u soh la phah sha Dubai ha ka snem 2022 napoh ka Jirang FPC.

Ia ka Jirang FPC, la thaw hapoh ka Mission Organic Value Chain Development for the North Eastern Region (MOVCDNER) ha u snem 2017. Haba sdang nyngkong ia kane ka kam la sdang nyngkong eh da ka jingkyrshah jong ka State Government FPC kaba la iarap ban kyntiew ia kane ka kam khañ kaba long katkum ka jak kaba mynta, lyngba ka jingiarap jong ka sorkar. La ong ba ha u snem 2024 ka FPO ka la treikam pura ban ioh shalan ia une u soh.

Kiwei pat ki kynhun kiba

khañ kum ka Rongmil IVCS ha East Garo Hills bad Narwang MPS kaba ha East Jaiñtia Hills, ki la ioh lang ia ka juh ka jingkyrshah na ka bynta ban kyntiew ia kane ka kam rep soh. Kine ki kam ki la aibor ia ki nongrep ban lah ban pynhesh ia kane ka kam.

Lyngba ka jingiatreilang bad ka Lulu Group International, Mother Dairy Fruits and Vegetables Pvt Ltd, and the National Cooperative for Organic Limited (NCOL), ka jylla ka la lah ban pyniasoh ia ki nongrep sha ka iew jong kiwei ki ri.

La iathuh ruh ba kine ki kam shalan ki la sdang naduh ka snem 2022 da kaba pyrshang ban shalan kumba 5 MT u Khasi Mandarin bad kumjuh ruh ia ki sohtrun sha Middle East, ha kaba ia kane la kyrshah da ka Agricultural and Processed Food Products Export Development Authority (APEDA). La iathuh ruh ba lyngba kane ka jingshalan kaba nyngkong la lah ban khmih bad ban pynbeit ia ki kam ha kaba hadien kane la lah ban shalan biang ia ki soh kumba 20 MT ha u snem 2023.

Ha kane ka snem kane ka jingshalan ka la nang pynskul shuh shuh ia ki nongrep lyngba ka jingiarap jong ka sorkar jylla ban pyniasoh bad ka Guwahati Customs bad ka Air India

Cargo ban pynduna ia ka jingpyntul bad ka ban iarap ruh ia kane ka kam shalan ba kan klo.

Ka sorkar jylla ka la shim bun ki lad ki lynti bad ki kam da kaba pynlong ia ki Pineapple bad Khasi Mandarin Festival ha ki nongbah kiba paw kum ha Delhi bad Bangalore ha kaba kane ka la nang ai lad ia ki nongrep ban pyniar ia ka kam shalan soh jong ki.

Da ka jingiarap bad kyrshah na ka jylla bad ka sorkar pdeng, ka Meghalaya mynta ka la plie ka lad ban

ioh kyntiew ia ka kam rep soh ha ka jylla.

Kine ki jingsdang ki la long ka kam kaba khraw ha kaba iadei bad ki kam shalan kiband dang hap ban leh hadien habud ban pynthikna ruh ba ki nongrep ka Meghalaya kin ioh ka jingmyntoi ban shalan ia ki marrep jong ki ha ki iew kiba heh bad kumjuh ruh ba kin biang ha ka ioh ka kot jong ki, ong ka kyrwoh ba la phah da Commissioner and Secretary to the Govt. of Meghalaya Department of Agriculture Farmers Welfare.

Ka sorkar jylla ka la shna bun tylli ki paiñkhana paidbah, ong u Myntri

Shillong, Nawieng 19: U Myntri ka tnat PHE ka sorkar jylla u Marcuise N Marak ha ka sngi baar u la plie ia ka Hamara Shauchalay, Hamara Samman ka jingialap ban rakhe ia ka World Toilet Day.

Haba kren sha ki lad pathai khubor, u Marak u la ong ba kane ka jingialap ka long halor ka jingpynsngewthuh ia ki paidbah halor ka jingdonkam ban buh ia ki paiñkhana kiba long ki jingmyntoi ia ki nongshong shnong khamtam ia ki samla pule.

Na ka liang u Myntri u la ong ba watla ka Meghalaya ka la dei ka jylla kaba lait na ka leit bar shabar ne ka open defecation free state, ka sorkar ka pyrshang katba lah ban kynjoh beit ia kane ka thong.

U la pyntip ba ka sorkar jylla ka la dep ruh ban shna bun tylli ki paiñkhana paidbah ban pyndonkam da ki nongshong shnong.

"Mynta ka sngi nga la leit sha ki 2 tylli ki jaka ban jurip hi dalade ban peit la ki dei kiba treikam ne em. Kumta nga la iohi ba ki long kiba treikam bad ba la pyndonkam ruh da ki paidbah," ong u Myntri ka PHE.

Jurip ka tnat Supply ban lap ia ki dukan ba die palat ia ka dor ha Ladrymbai

Khliehriat, Nawieng, 19: Ki nongtrei jong ka tnat Food and Civil Supply ba la lamkhamat da ka Kong E.V. Pariat, u Sub Inspector Supply Bah M.S.S Sohklet ryngkat ka jingsynran lang jong u SDO Sadar ka East Jaiñtia Hills District u A. Verma ha ka sngi Baar ki la hiar jurip bad tohkit bñiah ia ki dukan die marbam kiba don ha ka thaiñ Ladrymbai.

Kane ka jingjurip ka long na ka bynta ban tehlakam ia ka jingshim kabu jong ki nongdie marbam kiba ju die

palat ia ka dor bad ka jingdie ia ki mar kiba la kut ka tarik.

Ha ka jingjurip, ki nongtrei jong ka tnat Food and Civil Supply ki la lap ba ki don katto kattne ki dukan ha ka thaiñ Ladrymbai kiba die ia ki tiar kiba ym shym la thoh satia ia ka tarik ban pyni la ka la kut neem ka por. La maham tyngesh ia ki trai dukan ba kim dei ban buh kum ia kine ki jait tiar kiba ym don ia ka tarik bad lada lap shuh shuh kum ia kine ki dukan, ka tnat treikam jong ka Sorkar ha East Jaiñtia Hills District kaba dei peit ia ki



marbam mardih kan shu khang khyrdep ia ki dukan. Ki sorkar kin sas leit jurip shuh shuh na ka por sha ka por ia ki dukan die marbam namarba ka jingdie ia ki marbam ka long kaba

kongsan ha kaba donkam ban long phikir bha ban tip ruh ba kumno ki marbam ki long khnang ban nym ktah ia ki paidbah.

U Bah Sohkhlet u la ong ba ka ophis ruh kan nym aild ban don kino kino ki dukan kiba die ia ki marbam kiba la kut ka tarik bad kiba la sniew sha ki paidbah.

"Lada ngi lap ia kano kano ka dukan kaba die ia ki tiar ne ki mar bam kiba la palat ka tarik, ia kata ka dukan yn sa khang khyrdep noh ia ki," u la ong.

Ha kane ka jingjurip la don lang ki nongialam ka Meghalaya People United Front (MPUF), East Jaiñtia Hills District.

U President ka MPUF, East Jaiñtia Hills District Bah Kyrshah Blah u la ai ka jingiaroh ia ka jingklai jong ka tnat Food and Civil Supply ban shimkhia ia ka kam bad ban phah jurip ruh ha ki nongtrei ia ki dukan die mar bam kata hadien ba ka seng ka la buh da ka jingthoh.

Wat pynjaboh ia ki phud ka pung Umiam, mana u DM Ri-Bhoi

Nongpoh, Nawieng 19: U District Magistrate, Ri Bhoi District, Nongpoh katkum ka kyndon 163 jong ka Bharatiya Nagarik Suraksha Sanhita, 2023 u khang iaki paidbah ban bret ia ki jaboh jabaiñ bad ki mar kiba pynjaboh ha shilynter ki tyllong um, ki wah jong ka pung Umiam bad kiwei kiwei ki wah ha Ri Bhoi District. Kino kino kiba pynkheii ia kane ka hukum kin ngat haka jingpynshitom katkum ki kyndon aiñ.

Bteng leit pynsngewthuh paidbah ka KYM halor ka Wah Myntdu

Jowai, Nawieng 18: Ka Seng Khooid Ya Ka Wah Myntdu (KYM) kawei na ki seng treimon sngewbha kaba mih shakhamat ban kren bad dawa ia ka hok jong ka Wah Myntdu kaba bsa umbam umdih ia kiba bun ba lang.

Ka seng haka jingiatreilang ki DorbarShnong bapther bapther lem bad ki paidbah nongshong shnong, halor ka phang kaba ong "Save River Myntdu, Save Water. Save Humanity, Save Life" ha kane ka 14 bad 16 tarik u Nawieng kala ioh lad ban leit pynsngewthuh sha ki paidbah ha ka jingialang bala pynlong ha Mynthong bad ha Loomiongkjam, Jowai.

U ma Khroo L Pariat, President KYM haba kren ha kine ki jingialang ula pynsngew shaphang ka

jingiaid lynti jong ka seng naduh bala seng ia ka ha u snem 2021, kaba don ia ka thong ban dawa na ka sorkar ban thaw ki lad ki lynti ban ai ka jingiaida ia ka Wah Myntdu, khnang ban im ki nongshong shnong kiba im talawiar ki bynta jong ka.

U ma G.H. Bareh haba kren ula ong ka Wah Myntdu kumba ka wan na ka hukum Blei kala ai shibun ki jingkyrku ia ki bñiew kiba shong shnong ha talawiar jong ka, hynrei mynta kiba bun hi kim sngewthuh shuh ia ka jinglong kyntang jong ka Wah Myntdu bad mynta kane ka Wah ka la don haka jingma kaba khraw eh na ka jingshah pynjulor. Kumta ki kyntu ia baroh ban long kiba iohi jngai ia kane ka bynta.

Katba ka kong Jyuliana

Challam kum ka longmie na ka shnong Loomiongkjam, ka long ong ka Wah Myntdu ka iam paid duhnud naka daw ka jingbym khieñkor shuh jong ki bñiew ia ka jinglong kyntang jong ka, kumta ka buh ka jingkyntu ia baroh ki nongshong shnong ka Jowai ba kin pyrkhath ia ka Wah Myntdu da kaba ym dei ban pynjakhia ia ki bynta jong ka. Ka khot ruh ban don ka jingiatreilang bad ka seng Khooid Ya Ka Myntdu ha kino kino ki por.

Haba pynkut u ka jingialang la ioh ka jingkre ai khubei na u D. Manar uwei na ki samla ka shnong Jowai uba la dep thoh ia ka jingiatruh khana shaphang ka Wah Myntdu ha ka pule la puthi.

KSU sha ki 59 ngut ki MLA: Leit noh sha Delhi

jingeh jong ki samla pule ka skulbah NEHU. La khatsaw sngi lynter la shah thngan ki samla pule ka NEHU ban wanrah ia ki jingkylla ka NEHU, ki jingkylla ban ai jingmyntoi bad jingshakri ba pura ia ki samla pule bad nongwad kam ha jylla, hynrei na ka liang ki iarmangkalai ki sngap jar jar lane ki shu kut tang ha ka ktien khlem iohi kam shano shano ruh, la kynthoh ka KSU.

Napdeng ki 19 ngut ba shah thngan jan baroh ki la poi hospital lut, ka met kine ki samla ba dang lung ka rta ka la khrew, ka jingpule ka jong ki la ktah, ki kmie ki kpa bad ki bahaiing jong ki, ki jaw ummat man ka sngi, tangba phewse ba ka jingiakhih ka jia por tlang, ka por tamasa, ki iarmangkalai kim lah ban leit Delhi ban dawa ia ka hok u paidbah namar hap ia don bynta ha ki kam tamasa kiba laiphew jait. Kat haduh mynta ym pat don uwei u iarmangkalai ban leit sha Delhi ban dawa ia ka hok ki samla pule ka NEHU. Ioh lehse ka NEHU kam dei ka jaka ban phah pule ia ki khun ki heh ki haini, kumta ym don jingpyrwa tang khyndiat ruh, la kren byniaw ka KSU ia ka jinglong jingman ka koit ka khiah jong ki samla pule kiba shah thngan.

Ka jingshah jingit ki samla pule ka NEHU ba la lam khamat da ka NEHUSU bad ka KSU NEHU Unit kam dei na ka bynta ka myntoi shi met, hynrei ka dei na ka bynta ka myntoi ruh ia baroh lang kaba kynthup ia ki nongtrei hangto, ki samla ba pule ha ki kolej ba pyniaid ka NEHU bad khamtam ruh ia ki pateng ki ban wan la ka dei ha ka kam ka jam ne ka Admission pule, ong ka seng.

Haba kynthoh ia ka jingmynti jong u Vice Chancellor u Prof. PS Shukla ka KSU ka la ong, "ki kam ki jam la bat lut ki nongwei kiba ym don ka sap ban pyniaid ia ka NEHU, ki don ki kam kiba haduh mynta khlem pyndap namar ba bishni ban ioh ki trai jylla, ki jingdonkam (infrastructure & equip-

ments) ha ki departments ba pher bapther ki duna haduh katta katta bad u VC lem bad ka kynhun jong u kim sngap ia ka jingud jingman ki samla pule, ki nonghikai bad nongtrei mynta la bun bun snem. "

Ka KSU ka la peit sani baha mynta la 14 sngi ia ka jinglong jingman ha NEHU. Ka la iohi ia ka jingtyrha ki samla pule khamtam kito ki ba shah thngan, ki la shu im ha ka drip, ki injections, electrolytes, glucose bad ORS. Kine ki samla pule ki dang khynnah. Ki shu poi hospital khah khah na ka jingshah jingit. I Chief Medical Officer ka NEHU myne i la pynpaw ia ki jingma ki ba ap ia kine ki samla ba shah thngan kiba lah ban ktah wat hadien. U Kevin Nelson Wanrap, GS KSU NEHU Unit u la poi hospital biang ha ka sien kaba ar abd mynta kynti ki doctor ha Civil Hospital ki la ai syndon da ka oxygen ba um lah ring mynsiem shuh. U Sandy Sohtun, President NEHUSU u la ioh pang ha ka nierbah namar kane ka jingshah thngan hynrei u iai bteng beit ia ka jingiakhih. Sa katno pat ngin shu sngap? Ngin ap haduh da iap bñiew ne ko sorkar.

Mynta ka KSU ka buh jingkylli ia ki politicians, ki ministers, ki MPs, hato phin shu ia thoh shithi? Hato phin shu ia phone? Hato phin shu wan sngewlem? Hato phin shu ia sngap jar? Kan eh aui ba phin leit ruh baroh 59 ngut sha Delhi? Haba phi ia smat leit Delhi khah khah ha baroh ki aiom. Lane ioh lehse ka kam ha NEHU kam phoida eiei i phi baroh 59 ngut namar ki bahaiing jong phi ki pule lut shabar? la bynrap ka KSU.

Ka KSU kan ym lah ban shu sngap, hynrei lada ki nongmikhmat kim lah ban pynbor ia ka sorkar pdeng khamtam ia ka Ministry of Education ban pynbeit ia ki kynrum kynram ha NEHU da kaba weng noh ia u Prabha Shankar Shukla, ka seng kam banse ban hap shim noh da kiwei ki sienjam ban pynsngewthuh janai ia ki shkor ba kyllut ka Sorkar Jylla bad Sorkar Pdeng.

Kular u Bah Paul lyngba u CM ban kren ia ka Sorkar



skulbah, ngi don kawei na ki 50 tylli ki skulbah kiba hakhamat eh jong ka ri India bad mynta ka la poi sha ka kyrdan kaba 128 kaba pyni ba ka don ka nia bad ka don ka nongrim ha ka jingiakhih jong ki samla pule."

"Ka jingsynshar bad ka jingleh donbor jong u Vice Chancellor uba dang don hapdeng ka shuti kaba 15 sngi, ngi iohi shai ia ki dak ki shah ba ka don ka jingduna ha kiba bun ki liang, ka jingduna ki nongtrei, ki nonghikai, ka jinghiar ha ka rukom ai jinghikai, ka jingthung ia ki nonghikai ki bym pat biang ka kyrdan pule bad kumta ter ter," la ong u Bah Paul.

"Nga kwah ban pynthikna ba kine ki jingsngewkhia kin ym sahkut tang ha ka Campus jong ka skulbah bad ba ka jingshah shah thngan jong kine ki samla pule kan long kaba sepei," u la bynrap. "Na kata ka daw, nga kwah ban pynthikna ba ka Internal Report ba kine ki samla pule ki la sdang ban lum ban lang ki la pyntip ba kin sa ai kopi ia nga tang shu dep hapoh shi sngi ar sngi bad ngan ia kata ngan sa rah sha u Myntri Rangbah ka Jylla bad lyngba jong u yn sa phah sha ka Ministry of

Education," la iathuh u Bah Paul.

U la ong ruh ba ki dkhot jong ka Enquiry Committee ba la thaw da ka Ministry of Education la kumno kumno ki dei ban wan jingoh khnang ban lap ia ki jingshisha.

Haba kylli, u la ong, "nga wan ym eh tang kum u Myntri ka Sorkar Jylla hynrei kum u samla uba la pule teng ha kane ka skulbah. Kane ka dei ka skulbah ba la pyniaid da ka Sorkar Pdeng bad ngi khmihlynti ba katkum ka bor ba la pynkhamti ha ka skulbah da ka Aiñ ba la mynjur da ka Parliament ka dei ban lah ban pynbeit ia kine ki kynrum kynram."

U la pynpaw ruh ba kam dei ka kamram jong ka Sorkar Jylla hynrei haba u don u Vice Chancellor ba pura ka dei ka kamram jong u bad ka dei ka itikar jong u ban pynbeit ia kino kino ki kynrum kynram. "Manba mih ki kynrum kynram, ha kane ka skubah ka Sorkar Jylla kan dei beit ban tuklar, ngin ym ioh shuh ia ki nongpyniaid kiba bit bad lada mih kino kino ki jingeh kin phai khmat beit sha ka Sorkar Jylla ban leh la ka jong ka bynta. Hynrei ngi lah ban tuklar lehse tang lada ka mih ka huri hura," u la ong. "Hynrei lada phi pule ia

ka aiñ jong kane ka skulbah ba la thaw da ka Parliament, ka bor baroh ka don ha ka Ministry of Education bad ha u Vice Chancellor uba ialam ia kane ka skulbah," u la bynrap.

U la iathuh ba ka NEHUSU kan hap ban shong ia ka jingialang ban shim ia ka rai la kan dang bteng ne sangeh noh ia ka jingiakhih.

"Nga kham sngewkhia ym tang ia ka jingkoit jingkhiah jong ki samla pule hynrei wat ia ka jingkoit jingkhiah jong kane ka skulbah namarba ka dei ka skulbah ba la pyniaid da ka Sorkar Pdeng kaba la sei shibun ka khlar ha ka imlang ka sahlang," u la ong shuh shuh.

U la iathuh ruh ba ka Department of English kaba u la pule ha ki snem ba mynshwa, ka dei kawei na ki Top 10 ha ka ri India. "Hynrei mynta ka poi shano? Namarba ka kyrdan ka la hiar arsut ban ia ka nombar shi spah," u la kynthoh.

Shuh shuh u la kynthoh ba ka jingmih kine ki kynrum ki kynram ka dei ka jingbym lah, ka jingbym don jingkitkhieh, ka jingphiel bad ka jingbym lah jong u Vice Chancellor ban pynshisha ia lade kum u nongialam.

Ka jingtohkit ka dang iaid, kyrpad u CS ia ki samla NEHU ban sangeh

ryngkat bad ki kynhun bapther bapther kiba pynlong ia ka jingiakhih ba kin pynsangeh shwa ia ka jingiakhih katba ka jingtohkit ka dang iaid mynta," la bynrap u Bah Wahlang.

Ia ka jingiakhih la pynlong da ka NEHUSU ba la kyrshan lang da ka KSU NEHU Unit, kynthup ruh ka jingai jingkyrshah lang jong ka NEHUTA bad NEHUNSA bad MeTTA.

Dang shen ka Ministry of Education ka Sorkar Pdeng ka la thaw ia ka Enquiry Committee ba kynthup tang ia u

ProfDP Singh, uba dei u Chairman jong ka University Grants Commission (UGC) kum u Chairman jong ka komiti bad u Prof Dilip Chandra Nath, u Vice Chancellor barim ka Assam University ban tohkit halor ki kynrum kynram hapoh ka skulbah NEHU hadien ba la iohi pdiang ia ki jingujor na ki samla pule.

Ka Ministry of Education ka la aipor ruh 15 sngi ia ka Enquiry Committee ban pyndep ia ka jingtohkit kaba bñiah bad ban phah ia ka kaiphod.

Ha ka Lah Sngi u Blei u

Vice Chancellor Incharge u Prof. N. Saha u la thung ia ka Enquiry Committee ban tohkit ia ki jingkyntoh pyniaid kam bakla bad ka jingbym lah treikam hapoh ka skulbah NEHU kaba lam sha ka jinglong jingman ba mynta.

U Prof. Saha u la pyntip ba ia ka kaiphod jong ka Enquiry Committee yn sa aiti sha ka Enquiry Committee ba arngut ki dkhot ba la thaw da ka Ministry of Education, ka Sorkar India dang shen.

Ia u Chief Secretary la synran lang da ka Director General of Police (DGP) ka

Jylla ka Kong Idashisha Nongrang, ka Deputy Commissioner jong ka East Khasi Hills ka Kong RM Kurbah, u Addl. Deputy Commissioner u Bah Ronnie Wahlang, u Vice Chancellor Incharge u Prof. N. Saha ryngkat ka jingdonlang jong ki nongialam ka Meghalaya Indigenous Tribal Constitutional Rights Movement (MITCRM) kaba long ka shatri jong ka Snyjuk ki Nongsynshar ka Bri Hynnieuwret, ka Lympung ki Seng Kynthei, ka KSU, HNYF bad FKJGP.